



Komunikadu Imprensa MOE UE.

Timor-Leste organiza eleisaun ho di 'ak no kompetitivu

Dili, 21 Marsu 2022 – “Timor-Leste hala'o eleisaun ida ne'ebé kredível, transparente no pasífiku. Sekretariadu Tékniku Administrasaun Eleitorál (STAE) organizadu di'ak tebes ba eleisaun ne'ebé ho kandidatu na'in 16, inklui fetu na'in haat. “ Iha momentu agora, misaun ne'e sei kontinua tuir prosesu apuramentu ne'ebé hala'o hela ”, hatete Domènec Ruiz Devesa, Xefe Observadór MOE nian, iha konferénsia imprensa ida iha kapitál.

Ruiz Devesa esplika: “Misaun ne'e to'o ona iha país hahú iha fulan-fevereiru nia klaran atu observa ho forma ida ne'ebé kompletu prosesu eleitorál. Iha loron eleisaun, observadór UE 40 resin halo observasaun iha estasaun votasaun 174 resin iha munisípiu 12 no Rejiaun Administrativa Espesiál Oecusse-Ambeno. ”

Ruiz Devesa hateten katak, “Kandidatu sira bele hala'o eleisaun sein restrisaun no kampaña hala'o ho dame, ho insidente balu de'it. Paktu dame ne'ebé organiza husi Komisaun Nasionál Eleisaun (CNE) karik kontribui ba ida ne'e.” Ruiz Devesa hatutan tan katak, “maske kandidatu sira independente, balu hetan apoiu husi partidu polítiku. Ne'e rezulta iha kompetisaun ne'ebé la hanesan, iha ne'ebé kandidatu balu hetan vantajen finanseiru no estruturál kompara ho kandidatu seluk. ”

“Ambiente media pluralista fornese asesu ba opiniaun politiku oin oin. Misaun ne'e observa katak Rádio-Televisão Timor-Leste (RTTL), fornese tempu transmisaun ida ne'ebé gratis no kobertura editoriál ba kandidatu na'in 16 ho dalan neutrál, maibé ninia kobertura ba notísia sira kona-ba kampaña la iha balansu. Metade husi kandidatu sira iha kampaña Facebook ne'ebé significativu. ”

“Ami nia observadór sira hateten katak prosedimentu ba votasaun no kontajen sira la'o tuir dalan ne'ebé transparente no ho garantia suficiente,” Ruiz Devesa hateten.

Deklarasaun preliminar husi Misaun Observasaun Eleitorál UE nian fó sai molok prosesu eleitorál remata . Sei iha nafatin etapa importante , inklui rezultadu finál no desizaun ba reklamasaun eventual sira, no ekipa husi Uniaun Europeia mantein nafatin iha país atu observa.

Hodi hetan informasaun tan: Ofisiál Imprensa: +67077153494, imprensa@eueom-timor-leste.eu